

COMUNU DE FURTEI

PROVÌNCIA DE SU CAMPIDANU DE MESU

**BANDU DE CUNCURSU PO DONAI UNU CONTRIBUTU PO IS SPESAS DE BIAXI ARRISERVAU A IS STUDENTIS
DE IS SCOLAS SEGUNDÀRIAS SUPERIORIS PARIFICADAS O ARRICONNOTAS SEGUNDU SA LEI PO S'ANNU
SCOLÀSTICU 2012/2013**

SU RESPONSÀBILI DE SU SERVÌTZIU

FAIT SCIRI

ca segundu sa deliberatzioni de sa Giunta Comunali n. 077 de su 20.07.2010 e de sa determinazioni cosa sua n. 408 de su 30.07.2013 e de su Regulamentu Comunali c'est unu cuncursu po donai contributus po is spesas de biaxi, po unu tanti in totu de €. 10.000,00, po is studentis chi frequentant is scolas segundàrias superioris, parificadas o arriconnotas segundu sa lei, in s'annu scolàsticu 2012/2013.

RECUISIUS DE PARTECIPATZIONI:

Podint partecipai a su cuncursu is studentis, chi funt residentis in su territòriu Comunali de FURTEI ca apant frequentau a manera regolari in s'interis de s'annu scolàsticu chi narat su bandu, iscritus in Scolas Pùblicas, parificadas o arriconnotas segundu sa lei a classis de s'istruzioni Segundària Superioris e Artistica, postus aintru puru is Conservatòrius de Mùsica e is cursus po Mannus.

TEMPUS DE PRESENTATZIONI DE IS PREGUNTAS:

SU TEMPUS DE PRESENTATZIONI DE SA PREGUNTA ACABAT SU 02 DE CABUDANNI 2013 A IS 11.00 - CUSTU TEMPUS EST FIRMU.

**IS PREGUNTAS SI ARRICINT IN IS UFÌTZIUS COMUNALIS dònna diri feriali (bogau su sàbudu)
de is 08.00 a is 11.00 e su martis de is 15.30 a is 18.00.**

IS INFORMUS CHI SERBINT ANT A PÒDIRI ÈSSIRI PREGUNTADAS A S'UFÌTZIU SEGRETERIA COMUNALI.

Su responsàbili de su procedimentu est sa Sen.ra Torlini Maria Teresa, Ufitziu Segreteria.

ISTÀNTZIA:

In s'istàntza de partecipazioni, donada segundu su chi narant is artt. 46 e 47 de su D.P.R. N. 445/2000, scritta in su mòdulu apariciu apostu de su servitziu, chi benit donau in is Ufitzios Comunalis, firmau de su babu o de sa mama o chi est studenti de prus de 18 annus de issu etotu, depit èssiri dichiarau asuta sa responsabilidadi cosa insoru:

- Sa frequèntzia e sa classi frequentada, in s'annu scolàsticu 2012/2013;
- Sa situatzioni econòmica amostada po mesu de s'ISEE.

ALLIÒNGIUS:

A sa pregunta ant a dèpiri èssiri alliongiaus:

1. atestatzioni de s'ISEE de su nùcleu familiari determinau segundu su rèditu de s'annu 2012*.

*** No ant a pòdiri pigai su rimbursu de is spesas de trasportu is studentis chi funt de nùcleus familiaris chi tenint unu rèditu I.S.E.E. prus artu de € 14.650,00.**

RIMBURSU

FÀSCIA A	ISEE de € 0	A € 3.500 100%
FÀSCIA B	ISEE de € 3.501	A € 6.000 75%
FÀSCIA C	ISEE de € 6.001	A € 10.000 50%
FÀSCIA D	ISEE de € 10.001	A € 14.650 40%

Su rimbursu at a èssiri cuantificau segundu su prètziu de s'abonamentu tentu po andai cun machinas de linea ordinària e po su chi portat a s' Istitutu de istrutzioni prus acanta a su Comunu.

Chi amancat o c'est dinai in prus a dispositzioni, su contributu de donai a dònna studenti, at a èssiri abasciau o artziau a proportzioni paris.

GRADUATÒRIA

Sa graduatòria provisòria at a abarrai apicada po 15 dis a s'albu pretòriu de su Comunu. In s'interis de su tempus de apicadura is intaressaus podint scerai de presentai ricursu scritu, in paperi chentza bullu, a su responsàbili de su servìtziu, ca providit a s'esàmini insoru e arraspundit po su chi pertocat sa cosa.

BOGADURAS:

Su Responsàbili de su servìtziu asuta indicatzioni de su Responsàbili de su procedimentu at a apariciat in dònna momentu sa bogadura de su cuncursu de is istàntzias no idòneas, pruscatotu de chini:

1. a is controllus arrisultit de ai donau dichiaratzionis falsas*;
2. non tèngiat is recuisius preguntaus;
3. apat presentau sa pregunta pustis su tempus previdiu.

SI PRECISAT CA CHI AT A FAI DICHIARATZIONIS CA, PUSTIS DE SA VERIFICA, BESSESSINT FABAS O CONTRADITÒRIAS, IN PRUS DE SA BOGADURA DE IS BENEFICIUS, AT A ÈSSIRI DENUNCIAU A IS AUTORIDADIS CUMPETENTIS E PUNIU SEGUNDU SU CHI NARAT SU CÒDIXI PENALI E DE IS LEIS SPECIALIS PO SA CHISTIONI.

INFORMATIVA ART.13 D.Lgs. 196/2003 (Còdixi in chistioni de protetzioni de is datus personalis):

Is datus dichiaraus ant a èssiri manixaus po su cuntrollu formali e sostantziali de is autocertificatzionis fatas e po custu scopu podint èssiri comunicadas a is Ufitzius Finantiàrius, a s'anàgrafi tributària, a sa politzia tributària, a is bancas pùblicas e privadas, e a sa Regioni Autònoma de sa Sardigna.

Segundu su chi narat su D.Lgs. 196 de su 30.06.2003, su chi preguntat dichiarat de sciri ca sa pregunta de servìtzius, fata po mesu de s'autocertificatzioni, cumportat su mandai a s'enti is datus indicaus. Is datus funt destinaus a s'elaboratzioni de is proceduras de amissioni a is beneficius.

Funt pùblicos, e duncas acapiaus a sa trasparèntzia de is àutus amministrativus, is datus chi serbint po fai sa graduatòria e po dda publicai: datus anagràficus, su nùmunu de is cumponentis su nùcleu familiari cunventzionali, s'indicatori econòmicu e patrimoniali.

Po su chi pertocat a su manixu de is datus funt garantèssius a is intaressaus is diritus prevìdius de su D.Lgs. 196/2003.

FURTÈI, su 01.08.2013

SU RESPONSÀBILI DE SU SERVÌTZIU
Torlini Maria Teresa